

## مادة الدعوة النظرية

### الفرقة الثانية ترم 2

د أحمد شنهان

#### اللقاء 4

بسم الله والحمد لله والصلاة والسلام على رسول الله.. الحمد لله وحده والصلاة والسلام على من لا نبي بعده وبعد

إن شاء الله سنبدأ في الجزء الرابع من مادتنا مادة الدعوى النظرية .. زى ما قلنا المرة إلى فاتت بفضل الله كذا خلصنا ثلث أجزاء ولكن هيتبقى لنا حاجة بسيطة في فن الدعوة إن شاء الله هناخدنا مش هناخد وقت ممكن ناخذها في اللقاء إلى بعد القادم وهناخد أنهرده كلام الدعوة .. بيقا إحنا كذا بفضل الله أخذنا " فكر الدعوة وجهد الدعوة وفن الدعوة " إن شاء الله دلوقت هناخد " كلام الدعوة " وهيبقى المفروض في جزء خامس فقه الدعوة ولكن الوقت مش هيسعنا فممكن نخليها لسنه الجايه بإذن الله فعشان نبقا خلصنا كذا مادتنا السناده هنكلم عن كلام الدعوة كنا خدنا الترم الأول يعني نبذه مختصره كذا عن كلام الدعوة لو تفكروا كنا قلنا إن تحضير الكلمات الدعوية أو تحضير الجوله في طريقتين هنراجع بس قلنا طريقتين طريقة العصير وطريقة الخميرة أو المطبخ زى ما بنسميها طبعاً دى كلها مسميات شومانية يعني الحاجات دى كلها دكتور حازم بالإملاء ربنا يجزيه خير

ربنا يجزيك خير ويكرمكم كذا بترفعو من روى المعنوية " تفاعلكم " ماشاء الله طريقة المطبخ : إن أنت إلى بتعمل الطبخه بإديكى إنتى إلى تجيبى الموضوع وتخمره تحددى موضوع معين وتشتغلى عليه بإديكى تجيبى آيتين وتذاكرهم وتحشى عليهم وتفتحي خمس ست تفاسير وتطلع الأقول وتدخل على المعاجم اللغوية وتطلع الجذر اللغوى للكلمات الغريبه الى بتفجر المعانى فى الآيات ودى طريقه متقدمه فمش هنبدأ بيها هنبدأ بالطريقه الثانيه سهله شويه .. وإن كانت الطريقه دى أنضج وبتملاك دعويآ جداً وبتملاك علمياً وبتفتح أفق على جداً وبتشجعك أكثر لأن أنت لما بتعمل أنت الموضوع بإديك وتذاكر وتطلع بتقعد أكثر بتديك دفعه أنك تذاكر وتستخرج أكثر الطريقه الثانيه إلى هنبدأ بيها إن شاء الله طريقة العصير أو العصاره إن أنت تجيب درس وتعصره العصاره أنك تجيب الجرعه المركزه بتاعت الدرس هو مثلاً ساعه تعصريه فى عشر جمل لايتجاوز عن عشر دقائق إلى هتستخدمهم فى جوله نزله تكلمى بنت أو شلة بنات فبتسمعى درس معين عن عظمة الله فطبعاً مش هتقفى مع البنت مدة الدرس ساعه أو ساعه وربع تقفى مع البنت خمس أو عشر دقائق فبتستخلصى تمن أو عشر جمل إلى هما حقن وريد أكثر حاجه أثرت فيكى فبتنقلها فدى بنسميها طريقة العصاره إلى هنبدأ بيها وهيبقا منهجنا فى المرتين أو الثلاثه القادمين (سلم وإستلم) بمعنى انا هديكم كلمات جاهزه وأخر اللقاء هنكلف بدرسین أو ثلاثه يتعصرو بقا أنا هديكم دلوقت عصاره جاهزه والمره

الجايه الدور عليكم وأنتم الى هتحددو الدروس وكل واحده تسمع درس وتجبلى أكثر حاجه قصرت فيها لأن أكثر حاجه أثرت فيكى هي أكثر حاجه هتأثر فى المدعو وهيخلى كلامك مؤثر

ولكن لازم بيقا الكلام سريع وخاطف لأن المدعو مش هيقف معاكى ساعه تسمعك فأنتى بتجيبى الخلطات الحجات إلى زى مابقولكم حقن وريد أو حقن فى القلب فدى طريقة العصاره زى ماقلتلكم هنتكلم إنهرده إن شاء الله

ناخد بعض الكلمات كدا الجاهزه والمره الجايه هستلم منكم .. لكن قبل ما نبتدأ الكلام أى جوله بنتقسم لعنصرين

العنصر الأول : عنصر الكلام الوعظى القوى الكلام عن الجنه النار كلام عن عظمة الله العنصر الثانى : ودا مهم جداً جداً عنصر فهم واقع الشباب أو البنات .. ماتبقيش أنتى بتتكلمى فى واقع وهما وصلو لحجات تانيه خالص مثلاً تكلمى بنت فى فست ولا مش عارف إيه وهما عدوا لحجات تانيه خالص ودا إلى هيخلى إلى قدامك يتجاوب معاكى انك تبقى فاهمه الواقع بتعها دا هيخلى الشاب منبهر بيه وواقف سامعله ومجربه يعني وأنجح حد بيعمل الطريقه دى د حازم ليه لأنه وسط الشباب علطول وببسمع منهم ففهاهم واقع الشباب عارف الشباب واصل لحد فى فدا أكثر حاجه هتخلى المدعو يسمعك ويردو الكلام الوعظى القوى بيلمس القلب وبيأثر لا ننكر تأثيره ولكن الأكثر تأثير أنك تبقا فاهم واقع إلى قدامك وفاهم دماغه واصلت لحد فى عشان تعرف تدخله م المدخل بتاعه متبقاش أنت بتكلمه فى وادى وهو فوادى تانى خالص هيبقا فى بينكم فجوات فلازم تقرب المسافات بأنك تفهم واقع إلى قدامك طيب نبدأ بقا إن شاء الله أديكم بعض الكلمات زى ماقلتلكم الكلمات الجاهزه وليكن نبدأ مثلاً بكلام عن عظمة الله عشان نأخذ بركة المجلس ونحن نتكلم عن عظمة الله

نبدأ عن ( وما قدرو الله حق قدره ) يعني هشتغل عليها كآيه وأنت إلى تتكلم عنها وما قدرو الله حق قدره يعني ممكن تشرح الآيه بطريقه يعني ممكن تشرح الآيه بطريقه مبسطه ولكن إحنا عايزين وأنت بتتكلم فى جوله أنك تبهر إلى قدامك بإذن الله طبعاً وتعيشو جوالكلام قبل ما تقوله وما قدرو الله حق قدره هتقول مثلاً لما حصل لنا إبتلاء جرينى على كل الأسباب وعلى المخلوق ونسينا ربنا سبحانه وتعالى فإذا ماقدرناش ربنا حق قدره كل لحظه عصيتى فيها ربنا ماقدرتى خلىنا دايماً وإحنا فى الجوله مانكلمش بضمير المفرد خليها ضمير جمع وأنت بتكلمى واحده ماتسقطيش عليها لا خليها دايماً إحنا يعني ماتستخدميش كلمة إنتى لا إحنا أوكلنا ..

كل لحظه عصينا فيها ربنا ماقدرناش ربنا حق قدره كل مره سمعنا فيها حرام ونظرنا فيها للحرام مقدرناش الله حق قدره طيب إحنا لو خرجنا من الدنيا ومعرفناش قدر العمارات ولا العربيات مش مشكله لو خرجنا من الدنيا ومعرفناش قدر الكوره لو بكلم شاب أو قدر المطشات مش مشكله لو خرجت من الدنيا ومعرفناش قدر اللبس والموديلات مفيش أى خساره إنما لو خرجنا من الدنيا معرفناش قدر الله هتكون أكبر المشاكل خساره وأكبر الخساره لأنها لا تعوض

لما عرفنا قدر العمارات موتنا نفسنا عشنا عشان نجيب شقه تملكى ولما عرفنا قدر الموبيلات ممكن الشاب يشتغل بالشهرين عشان يجيب تمن موبيل ولما عرفنا قدر العربيات ممكن يسافر يشتغل خمس وست سنين فدوله أوروبيه أو خليجيه عشان يرجع ويشترى عربيه ولما عرفنا قدر الشهاده ممكن البنات مثلاً تفضل فى كلية طب تتعلم ب23 و25 سنه عشان قدرت الشهاده حق قدرها .. طيب إحنا لما عرفنا قدر ربنا عملنا إيه أو بمعنى لو عرفنا قدر ربنا هنعيش إزاي هنعلم أد إيه من حياتنا لربنا لو عرفنا قدر

ربنا ودخلت جوا قلبنا وما قدرو الله حق قدره هنبذل أد إيه عشان ربنا سبحانه وتعالى طب لو عرفنا قدر الجنه وتمن الجنه هنبذل هنتغل وهندفع عشنا أد إيه إلى بيكبر فى الصلاة وقلبه لسه فى الدنيا فى السوق أو فى المطبخ دى وما قدرو الله حق قدره إلى بتكبر فى الصلاة وقلبه لسه فى المذاكره دى وما قدرو... إلى بتكبر وقلبه لسه فى الميكب أو اللبس ما قدر... إلى بيعصى ربنا وما بيتبش دا وما قدر... الإحساس بعظمة ربنا لو جه جوا قلبك هنتغير لو عرفت ربنا قد إيه عظيم هنتغير الإحساس بعظمة ربنا لما جه فى قلب جبريل عليه السلام هذا الملف من أعظم الملائكة لما دخل فى قلب الإحساس بعظمة الله هذا الملك إلى رفع سبع محافظات من قرى لوط بطرف جناح له لما دخل معرفة ربنا وعظمة ربنا جوه قلبه النبي صلى الله عليه وسلم قال عنه صار كالحلس البالى يعني زى قطعة قماش مهلهله لما دخل جوه قلبه معرفة الله وعظمه بقلبه لما الإحساس بعظمة ربنا لما دخلت فى قلب الصخر زى جبل الطور الجبل إدك " فلما تجلى ربه للجبل جعله دكا " أصبح تراب لما عظم الله حق قدره

يعني شوف ربنا بالعظمة دى كلها ولما تقول الحمد لله يقول حمدني عبدى يعني تخيل المعنى ربنا بكل هذه العظمة والملك يعني والله المثل الأعلى ودى طبعاً نستخدم فى الجولات بتعتنا دايماً الإسقطات زى ما قلنا ونستخدم الأمثلة والقصص المؤثره الخاطفه طبعاً دى كلها جمل يعني الجمل دى لازم تبقى سرريعه والكلام مركز عن كدا.. ولكن عشان للأسف مش عايش فجو الجوله ههه الله المستعان والله المثل الأعلى يعني لو ملك وعنده عبد فالعبد قاله شكراً يا سيدى فقام الملك جامع مجلس الوزره بتاعه وكبار رجال الدوله وقالهم شوفو العبد بتاعى بيشكرني بالله عليكم فى حد بيعمل كدا تخيل بقا ملك الملوك لما تقول الحمد لله بيقول حمدني عبدى لما تقول الرحمن الرحيم يقول أثنى علي عبدى تخيل ربنا ملك الملوك الغني عن المخلوقات أجمعين أنت مين أصلاً عشان ربنا يذكرك فى المأ الأعلى ولكن دا إن دل يدل على مدى رحمة الله وإنما يدل على كرم وشكر الله سبحانه وتعالى

يعني قصه برودو سرريعه كان هناك عبد من بني إسرائيل عبد ربنا أربعين سنه ثم إنتكس وترك العباده وعصى ربنا أربعين سنه وهو فى آخر عمره جه يرجع لربنا فبيقول يارب هل لى من توبه بينادى ويكلم ربنا فسمع هاتف ينادى عبدتنا فقربناك وعصيتنا فأمهلتناك اربعين سنه بتعصى وامهلتناك وإن عدت إلينا قبلناك .. أوعى تياسى مهما كنتى وحشه مهما بعدتى

بيقا دا كان بعض الكلام عن عظمة الله برودو هنكمل الكلام عن عظمة الله يعني من المداخل الجميله برودو الكلام عن عظمة الله وقدرته أن ربنا سبحانه وتعالى لما خلق النار خلقها بكلمة كن وخلقها تحرق ولما خلق الجنه بكلمة كن برودو وخلقها سلام وخلقها دار النعيم ربنا لما خلق ربعمين مليار مجره خلقها بنفس الكلمه بكلمة كن وخلق عشرين مليون نوع كائن حى بكلمة كن فربنا بكلمة كن قادر إنه يغير حياتك ويحيلك كل مشاكلك ويسعدك قلبك ربنا قادر بكن إنه يجوزك قادر بكن يرضيك ويغنيك ويشرح صدرك قادر على كل شئ .. بيقا دا مدخل الثقه فى قدرة الله والإطمئنان بقدرة الله والأنس به سبحانه وتعالى طيب برودو مدخل تانى فى الكلام عن عظمة الله نتكلم بقا عن غنى الله يعني مثل جميل جداً نسقطه على الواقع يعني تخيل لو واحد بيملك شقة فى برج على ناصيه طيب لو الشخص دا ملك البرج كله مش بس كدا دا ملك الشارع كله مش بس كدا دا بقا بيمتلك الحى مش بس كدا دا بقا ملك الدوله كلها ملكه طب تخيل لو بقا ملك القاره كلها طب لو بقا ملك الكره الأرضيه كلالها .. طاب تخيل الملك الملوك دا كله بتاعه السموات السبع والأراضين السبع والكائنات دى كلها الأنهار والثروات وو ملك الله سبحانه وتعالى طيب تخيل لو جينا نترجمها بالماده تخيل الشقه الشخص إلى ملكها دى بمليون جنيهه شقة 150 متر مثلاً

فى شارع جانبى يعنى مليون جنيه دول مايجبوش متر على مشايه تخيل أمال ملك الملك سبحانه وتعالى فتخيل ربنا قد إيه غنى ولا تنقصه النفقه سحاء الليل والنهار فدا الكلام عن غنى الله سبحانه وتعالى طيب نتكلم برودو عن عظمة خلق الله قدرة الله .. الإنسان لما بيخلق شئ بيخرج عن سيطرته ولا يمكن التحكم فيه زى إلى خلق الدناميت خرج عن سيطرته ومقدرش يتحكم فيه وأستخدم فى حاجه ماكنش معده ليها .. لكن الله سبحانه وتعالى لما خلق الكون كله لم يخرج عن مشيئته ولاذرة واحده ولن يحدث ذلك برودو مدخل دى كلها كلمات جاهزه يعنى ممكن عظمة الله تبقا جوله طبعاً هنختار أقوى كلمه أو مدخل ندخل بيه وإن شاء الله فى الآخر هناخد ترتيب الجوله إزاي بالظبط (الدخلة والكلام والخاتمه والتشكيل) هناخدھا بالتفصيل بإذن الله

طيب ممكن برودو ناخد ننقل نقله نكلم عن أهمية وقيمة العمر ربنا بيقول " وأما من جائك يسعى وهو يخشى" ليه يسعى مش يمشى لأن ياتلحق يا متلحقش العمر قصير مافيش وقت أنت وملك الموت فى سباق إما إنك تسبق وتوصل لربنا ولرحمته سبحانه وتعالى وتبقا من السعداء وإما إن ملك الموت هو إلى يوصلك ويأخذ روحك برودو لو شفت واحد راح مطلع ورقه بمئة جنيه وحرها هيتقال عليه إيه مجنون أهو إلى بيضيع عمره فى المعاصى والبعد عن الله دا أشد جنوناً ليه لأن دا ضيع ورقه بمئة جنيه فتخيل بقا إلى بيحرق عمره أغلى ثروه عنده ..

ونتكلم بقا عن جانب ترغيب إنك عايز ترغب حد إنه يقرب من ربنا سبحانه وتعالى ممكن تدخله من دخلة أنت مش محتاج ربنا مش عايز حاجه منه مافيش مشكله فحياتك محتاج ربنا يحلها لك طيب ما المشكله بتاعتك دى مليون واحد عنده نفس المشكله إسمعنا أنت إلى ربنا يحللك مشكلتك مش مريض مش عايز ربنا يرزقك بزوجة صالحه لازم تدفع التمن تمن القرب من ربنا سبحانه وتعالى ربنا بيقول "قل مايعبأ بكم ربي لولا دعائكم" يعنى من معانيها من العباء أشمعنا أنت إلى ربنا يتحمل عنك أعباء حياتك ويعطيك إسمعنا أنت إلى ربنا يردك " قل ما يعبأ بكم ربي لولا دعائكم " لولا عبادتكم مالكمش قيمه عند ربنا سبحانه وتعالى طول ما أنت بعيد عن العباده

برودو نرجع نتكلم عن عظمة قدرة الله وعن عظمة ملك الله تخيل لو ربنا كشف لنا الحجب وسمعنا عن أصوات الكون إلى حولينا وتخيل لو سمعت أصوات الكائنات إلى حولينا العشرين مليون نوع من الكائنات الحيه وسمعنا أصوات الجمادات وهى بتجار إلى الله بالتسبيح وهى بيتقول سبحان الله وبحمده ربنا بيقول " وإن من شئ إلا يسبح بحمده " يعنى أعتقد لو سمعنا الصوت دا ملايين البشر هتخر ساجده لله وستصعق فى الحال ولكن من لطف الله من أسماء الله اللطيف من لطف ربنا أننا ما بنسمعش الحاجات دى ومن لطفه أنه يكلف دون الطاقه أقل من طاقتك ويعطى فوق الحاجه دا من لطفه من معاني اسم الله اللطيف

برودو نتكلم فى قدرة الله يعنى مثال جميل جداً تخيل لو نمله واقفه على ورقه وواحد بيكتب على نفس الورقه دى والنمله مش شايفه إيد إلى بيكتب ولكن كل إلى واصلها السن فالنمله متخيله إن السن هو إلى بيكتب لأنها مش شايفه غيره فلاأسف إحنا بنعامل ربنا متخيلين إن الأحداث والأسباب هى الأسباب هى إلى بتحرك الأحداث شايفين الأسباب فمفكرين الفلوس هى إلى بتعمل والصحه هى إلى بتعمل لكن ما بنفكرش فى قدرة الله إن يد الله هى إلى بتحرك هذه الأحداث فالمؤمن لازم يدخل داخل قلبه إن يد الله هى الفاعله فى الكون ولا يتعلق بالأسباب ولكن يتعلق بمسبب الأسباب

كنت مفكر فى كلام كثير مش هنلحق نقولك لكن إن شاء الله ربنا يبارك فى الوقت مش عايز بس أضيع حاجه ممكن نقول إيه تانى ..

طيب إحنا قلنا معظم الكلام آخر حاجه نختم بيها الكلام عن (حقيقة الدنيا ) ربنا بيقول "والآخرة عند ربك خير للمتقين " وبيقول برودو " وما الحياة الدنيا فى الآخرة إلا متاع " طيب تخيل إن الدنيا دى كلها لا تساوى عند الله جناح بعوضه بكل الذهب والمتع إلى فيها بالدولارات باليورو والماس ووالأحجار الكريمة وكل دا كله لا يساوى عند الله جناح بعوضه وربنا بيقول "والآخرة عند ربك خير" أمال الجنة تبقا عامله إزاي لما هذه الدنيا لا تساوى عند الله جناح بعوضه وأنبهر بيها الناس هكذا وولا تساوى عنده جناح بعوضه ووضع فيها كل هذه الثروات " وقدر فيها أقواتها وبارك فيها " أو مال الجنة عامله إزاي إلى ربنا بيقول عنها أعدت لعبادى الصالحين ما لا عين رأت ولا أذن سمعت ولا خطر على قلب بشر الجنة تبقا عامله إزاي ..

فدا كان كلام عن حقيقة الدنيا وعن الجنة ممكن بقا آخر حاجه نختم بيها هو تقريباً معظم الكلام إتقال. برودو آخر كلمه (إن إزاي تخلى ربنا إلى يختارك ) يعنى لو بتكلمى بنت مثلاً تقلها لو إخترتى عريس غلط هتفضلى تعانى طول عمرك من القرار إلى أختارتيه غلط لو دخلتى كلية غلط هتفضلى طول عمرك تعانى من القرار إلى أخذته طيب إزاي تخلى ربنا هو إلى يختارك لازم بيقا علاقتك بربنا كويسه لازم تقرب من ربنا سبحانه وتعالى زى النبی ما كان بيعلمنا إنه كان بيعلم الصحابه دعاء الإستخاره كما يعلمهم السوره فأنت عشان توصل لى إن أنت كل ما تختار حاجه توصل أنك تستخير ربنا تفوض ربنا هو إلى يختارك لازم تقرب من ربنا سبحانه وتعالى إن هو إلى يختارك عشان ما تندمش على قرارات فاصله فى حياتك ممكن تخديها وتندمى عليها يعنى دا الكلام إلى أنا قدرت أجمعه

دى مش جولہ واحده دى كلمات لاهى جولہ ولا ترتيب جولہ لا دا دى بعض كلمات النماذج إلى أنا إشتغلت فيها فالمره الجايه إن شاء الله إزاي نعمل جولہ فى الشارع طبعاً هو بنسبه للجولہ للبننت طبعاً مش هتبقى زى الولد الجولہ للبننت فى الشارع أنتى مثلاً أنا بعلم زوجتى بوصيها إن أنتى تستغلى أى فرصه لدعوه إلى الله رايحه المستشفى مثلاً بحاول أحفزها فهى بتحاول تشوف أى مسلك تدخل منه بتيجى بتحكيلى لما بتعمل جولہ على بنت راكبه جمبها فى تاكس مكروباص او بنت قبلتها بتوصلى عملت إيه فمن ضمن المداخل مثلاً طبعاً زى ما قلنا بتبقا فى دخله إزيك يا حبيبتي زى ما أتكلنا قبل كذا وتحسسى إلى قدامك إن أنتى فعلاً بتحبيها ومبسوطه إنك شفيتها كلام الترحيب دا وبتقلى مثلاً بقوم موصيها بقلها مثلاً النبي صلى الله عليه وسلم بيقول كلمتان خيفتان على اللسان ثقيلتان فى الميزان سبحان الله وبحمده سبحان الله العظيم وتبدأ تتكلم عن ذكر ربنا وإزاي إحنا مقصرين فى حق ربنا وإزاي إحنا محتجين لربنا سبحانه وتعالى وتبدأ تتكلم عن الخشوع فى الصلاة أو عن السعاده وإنك عمرك ما هتبقى سعيد طول ما أنت بعيد عن ربنا فدا مدخل

مدخل تانى مثلاً بكتيب صغير أو مطويه أو أى هديه أو بنبوني أنا عن نفسى فى الجولات بتاعتنا بندخل لشباب بالبنبوني مثلاً أو أى هديه بسيطه شكلاته وتندى لناس فالهديه البسيطه دى بتأثر إلى قدامك فعلاً النبي "تهادو تحابو" وإن شاء الله هديكم دخلات يعنى من ضمن المداخل الجميله إلى بنستخدمها بإستمرار بنقلهم لو فى شوية نمل وفى شويه سكر مين هيروح لمين طبعاً كله هيقول النمل يروح لسكر نقوم قيللهم أهو أنتو السكر وإحنا النمل إحنا إلى جيين لكم فبتبقى مدخل جميل .

- بنسبه لعدم الجورأه كلنا فى البدايه ما كنش فى جرأه خالص فى الكلام وقمة الخجل لكن سبحان الله الواحد لما بيتذكر جهد أهل الباطل يعنى المغنيه إلى بتطلع بتغنى عريانه قدام الناس ومابتتكشفش وبتطلع فى أدوار لاتوصف وبتمثلها ومابتتكشفش أو زى ما كنا بناخد فى سورة الصافات إن إزاي الشياطين "إلا من خطف الخطفة فأتبعه شهاب واصب " وهو طالع يعمل عمليه إنتحاريه إستشهاديه وهو عارف أنه

هي موت وبرغم من ذلك وهو طالع همه إنه يجيب الكلمه ويديها للى تحت وهو كده كده ميت قبل ما هي جيب الكلمه هي موت أو بعد ما يجيب الكلمه هي موت فالحجات دى لما دخلت قلب الواحد وبالتدريج بقا مع الممارسه مع التدريج مره فى مره بفضل الله بعد كذا بيحصل الإنطلاق فأنتى إبدئى ببساطه خالص لو حتى سلام عليكم أى كلمه زى ما قلتلك كذا أنا زوجتى كانت بتستحي جداً وما بتعرفش تتكلم خالص ولكن بفضل الله بالممارسه واحده ورا التانيه إن شاء الله وأستحضرى نية إنك عايزه تفرحى ربنا سبحانه وتعالى

- والله أبدأ بيتهيا لك أنهم بيخافو من النقاب هو دا ممكن يكون حاجز نفسى كنت فى البدايه بقول الشباب بيخاف من اللحيه ومن الجلباب لكن سبحان الله ربنا إالى بيفتح القلوب فأهم حاجه الممارسه مش شرط إنك تعملى جولته كامله فى البدايه لا دا أنتى إكسرى بس الحاجز النفسى إنك تسلمى على البنات وقلها بحبك فى الله وسببها وأمشى بس.. وفى كلمه جميله أوى بنستخدمها عندنا فى الجوله بنقول لشباب طبعاً مش هي نفع أنتم تفلوها بنقول لشباب أنت شغال فى الكهربه شاب مثلاً عايز تدخله مدخل تقوله إنت كنت شغال فى الكهربه قبل كذا يقولك لا والله تقوله ما شاء الله وشك منور فى مداخل هنقلها مع بعض وإحنا ماشيين ولكن فى البدايه هى طبعاً فيها رهبه وخجل كبير جداً وزى ما قلتلك مش شرط تعملى جولته كامله فى الأول لو بس سلمتى على البنات وبحبك فى الله ووصيتها بأى وصيه زى كلمتين خفيفتين... وسببها ومشيتى كذا إنتى على الطريق بإذن الله لو كلمه ترحيب بس كفايه أنك بتكسرى الحاجز النفسى الرهبه بينك وبين كلامك مع واحده غريبه عنك ونبدأ بالأقرب فالأقرب إبدئى بزميلتك جارتك حد من قرابيك إغتملى فيهم كنا بفضل الله بنتعلم أول ما بدأنا فى أصحابنا بيقا كذا بفضل الله إنتهنا من بعض الكلمات إالى كنت محضرها المره الجايه بقا إن شاء الله تحدو أنتم درسين تعصروهم مثلاً تختارو إيه إالى أنتو عايزينه أنتم إالى تهحضرو إنتو إالى هتسمعوننا إسم الله الرزاق جميل حتى لسه فرش وكان وجبه دسمه ما شاء الله

طيب مش شرط دلوقت أختارو ونسقو مع بعض وأهم حاجه المره الجايه إبعثولى العصاره مع الشيخ أحمد طاهر لأن الحقيقه مش بعرف أدخل مننتى خالص كل أخت تبعثلى الخمس أو الست جمل مش عايز كثير هما ست سبع جمل من كل درس مش هكلفك فوق الطاقه أختارو أنتو وقسمو مع بعض إعملوها ورشتين كل ورشه تشتغل على إسم وإعرضو فى الآخر إالى أنتم طلعتوه مع بعض وبحيث ما يبقاش الكلام مكرر بعد ما تخلصو خالص حتى لو الكلام مكرر مش مشكله حتى .. كل أخت فى درس طيب ما فيش مشكله طيب سرعاً كل أخت تقول هتشتغل فى إيه \_ \_ طيب إيه رأيكم مثلاً نختار مفاتيح خزائن الله كان جميل أوى فى الأثر الدنيوى لطاعه وبرضو نختار حاجه ترغيب وحاجه ترهيب وكمان الأثر الأخرى لطاعه \_ هنتظر منكم على يوم الإثنين الشيخ أحمد بيعتلى الكلام بتاعكم .. أوزعكم حلاص ألا فزوروها و ماذا لو أختارنا الله و مبالش مفاتيح خزائن الله و ناخذ كمان الجنه سورة الإنسان هستنا تفرغناكم يوم الإثنين .. والله ياريت كلكم بس أنا بكلم إالى قدامى دلوقت ياريت لو تتواصلو مع باقى الأخوات وتعرفوهم إنا شغلين فى كذا

سبحانك اللهم وبحمدك أشهد أن لا إله إلا أنت أستغفرك وأتوب إليك .. سلام عليكم .

